

# Dirgahayu Tuanku! Dirgahayu Tuanku!

■ **Al-Sultan Abdullah Ri'ayatuddin Al-Mustafa Billah Shah ditabalkan secara rasmi sebagai Yang di-Pertuan Agong ke-16**

**Kuala Lumpur**

Istana Negara semalam menyaksikan satu lagi peristiwa penting dalam lipatan sejarah tanah air apabila Al-Sultan Abdullah Ri'ayatuddin Al-Mustafa Billah Shah ditabalkan secara rasmi sebagai Yang di-Pertuan Agong ke-16 dalam istiadat dalam suasana penuh tradisi dan adat Raja-Raja Melayu.

Istiadat gilang-gemilang yang mengangkat kedaulatan Yang di-Pertuan Agong sebagai Ketua Tertinggi Negara itu bermula tepat 10.45 pagi sebaik Al-Sultan Abdullah dan Raja Permaisuri Agong Tunku Hajah Azizah Aminah Maimunah Iskandariah berangkat masuk ke Balai Agung Seri, Istana Negara bagi memulakan istiadat.

Alunan tiupan nafiri daripada Angkatan Tentera

berwarna putih gading menarik perhatian seluruh jempunan yang mengiringi langkah kedua-dua pasangan diraja itu untuk bersemayam di singgahsana.

Selain tetamu jempunan yang hadir di Istana Negara, istiadat pertabalan yang disiarkan secara langsung oleh stesen televisyen negara juga membolehkan seluruh rakyat menyaksikan acara bersejarah itu yang istimewanya juga jatuh pada hari keputeraan Seri Paduka yang ke-60.

Selain Raja-Raja Melayu dan Permaisuri masing-masing, dua tetamu diraja dari luar iaitu Putera Mahkota Abu Dhabi merangkap Timbalan Komander Tertinggi Angkatan Tentera Emiriah Arab Bersatu Sheikh Mohamed Zayed Al-Nahyan dan Sultan Brunei Sultan Hassanal Bolkiah dan isteri

merupakan lambang kemuliaan Islam sebagai agama rasmi negara, kemudian disembahkan oleh Datuk Paduka Maharaja Lela kepada Seri Paduka yang menyambut lalu mencium naskhah suci itu sebelum meletakkannya di atas rehal di meja sebelah kiri baginda.

Datuk Paduka Maharaja Lela kemudiannya menyampaikan Surat Pengisytiharan pertabalan kepada Perdana Menteri, Tun Dr Mahathir Mohamad yang tampil ke hadapan Singgahsana, mengangkat sembah dan membacakan perisytiharan berkenaan.


Sejurus itu, Datuk Paduka Maharaja Lela dengan penuh tertib mempersembahkan pula Keris Kerajaan yang merupakan alat kebesaran utama negara kepada Yang di-Pertuan Agong, Seri Paduka yang

Negaraku dimainkan sekali lagi dan serentak itu tembakan meriam sebanyak 21 das dilepaskan.

Perdana Menteri kemudiannya sekali lagi menghadap Seri Paduka untuk mempersembahkan Ucapan Tahniah dan Taat Setia atas pertabalan Seri Paduka sebagai mewakili kerajaan dan rakyat.

Al-Sultan Abdullah kemudian berkenan menyampaikan Titah Diraja, sebelum Pegawai Agama Istana Negara Datuk Abd Aziz Che Yacob membacakan doa selamat.

Usai doa, naskhah al-Quran dibawa turun dari Singgahsana oleh Datuk Paduka Maharaja Lela sebelum menyembahkan bahawa Istiadat Pertabalan Seri Paduka Baginda Yang di-Pertuan Agong ke-16 selamat diistiadatkan



daripada Angkatan Tentera Malaysia (ATM) dan paluan nobat daripada Kumpulan Nobat Diraja Terengganu yang memainkan lagu 'Raja Berangkat' bergema mengiringi keberangkatan masuk pasangan diraja itu didahului Datuk Paduka Maharaja Lela Azuan Effendy Zairakithnaini yang diapit panglima-panglima yang membawa Cogan Alam dan Cogan Agama selain panglima-panglima lain yang membawa alat-alat kebesaran Diraja.

Cogan Alam dan Cogan Agama, kedua-duanya tongkat perak adalah sebahagian daripada alat kebesaran Diraja yang begitu signifikan dalam istiadat pertabalan dan menjadi lambang kebesaran institusi Yang di-Pertuan Agong dan kerajaan Malaysia.

Ketibaan Al-Sultan Abdullah yang lengkap berpakaian rasmi Yang di-Pertuan Agong dikenali sebagai 'Muskat' dan Tunku Azizah yang anggun dalam persalinan tenun Pahang

Hassanal Bolqiah dan isteri, Raja Isteri Pengiran Anak Hajah Saleha turut berangkat ke istiadat pertabalan itu.

Ia turut dihadiri wakil Raja-Raja Melayu, Yang Dipertua-Yang Dipertua Negeri, Perdana Menteri, Timbalan Perdana Menteri dan menteri-menteri Kabinet, selain tetamu-tetamu kehormat yang terdiri daripada ketua-ketua Diplomat Asing dan pegawai-pegawai kanan kerajaan.

Setelah Seri Paduka berdua bersemayam di atas Singgahsana, Datuk Paduka Maharaja Lela kemudiannya memohon perkenan Seri Paduka untuk menzahirkan istiadat pertabalan dengan membawa masuk naskhah al-Quran serta baki alat-alat kebesaran Istiadat Pertabalan ke Balairung Seri termasuk Keris Kerajaan, Surat Pengisytiharan dan Warkah Ikrar yang diiringi paluan nobat lagu 'Menjunjung Duli'.

Naskhah al-Quran yang

Seri Paduka yang menerima keris berkenaan menghunus dan mengucupnya sebagai simbolik kebesaran dan kekuasaan kepada Seri Paduka, sebelum menyarungkan semula keris itu dan meletakkannya di atas meja di sebelah kiri baginda.

Ini disusuli dengan bacaan lafaz ikrar oleh Seri Paduka sebagai Yang di-Pertuan Agong untuk menjalankan pemerintahan seadil-adilnya bagi Malaysia, mengikut undang-undang dan Perlembagaan Negara serta memelihara dengan sempurna agama Islam dan berdiri teguh di atas pemerintahan yang adil dan aman.

Sempurna saja ikrar dilafazkan, nobat dipalu memainkan lagu 'Raja Bertabal', diikuti laungan 'Daulat Tuanku' sebanyak tiga kali oleh Datuk Paduka Maharaja Lela yang disusuli para hadirin di dalam Balairung Seri, Istana Negara.

Sejurus selepas itu, lagu

selamat disempurnakan.

Seterusnya, Balairung Seri sekali lagi bergema dengan tiupan nafiri dan paluan nobat lagu 'Raja Berangkat' mengiringi Seri Paduka meninggalkan istiadat yang didahului Datuk Paduka Maharaja Lela dan Datuk Pengelola Bijaya Diraja serta diiringi panglima-panglima yang membawa alat-alat Kebesaran Diraja.

Al-Sultan Abdullah, melafaz sumpah dan menandatangani surat sumpah jawatan sebagai Yang di-Pertuan Agong ke-16 pada 31 Januari lalu bagi menggantikan Sultan Muhammad V yang meletak jawatan berkenaan 6 Januari lalu.

Seri Paduka yang dimasyhurkan sebagai Sultan Pahang keenam pada 15 Januari menggantikan Almarhum Paduka Ayahanda Sultan Ahmad Shah Al-Musta'in Billah, dipilih sebagai Yang di-Pertuan Agong ke-16 pada Mesyuarat Khas Majlis Raja-Raja pada 24 Januari. - Bernama






AL-Sultan Abdullah mengucup al-Quran yang merupakan lambang kemuliaan Islam sebagai agama rasmi negara.



AL-Sultan Abdullah berkenan melafazkan Warkah Titah Diraja pada istiadat pertabalan baginda di Istana Negara, semalam.



AL-Sultan Abdullah berkenan menerima Keris Kerajaan, simbol kebesaran dan kekuasaan Raja Berperlembagaan.



  
Untuk video layari  
[www.hmetro.com.my/mymetrotv](http://www.hmetro.com.my/mymetrotv)

AL-Sultan Abdullah berkenan berangkat ke Balairung Seri pada istiadat pertabalan baginda di Istana Negara, semalam.



AL-Sultan Abdullah sebak ketika mengaminkan doa.

## ■ Agong tegas perpaduan, keharmonian menjadi kekuatan negara

Kuala Lumpur

Yang di-Pertuan Agong Al-Sultan Abdullah Ri'ayatuddin Al-Mustafa Billah Shah menitahkan semua pihak agar jangan sekali-kali mencetuskan api perselisihan dengan membangkitkan perkara yang boleh menggugat dan meruntuhkan keharmonian negara.

Seri Paduka menegaskan perpaduan dan keharmonian rakyat adalah tiang seri dan kekuatan negara.

"Bermain dengan api bukan hanya membakar diri sendiri, malahan turut membakar seluruh kampung halaman," titah Al-Sultan Abdullah pada Istiadat Pertabalan Seri Paduka sebagai Yang di-Pertuan Agong ke-16, di Istana Negara di sini, semalam.

Menegaskan bahawa institusi Yang di-Pertuan Agong penting dalam sistem kenegaraan Malaysia yang mengamalkan sistem demokrasi berparlimen raja berperlembagaan, Al-Sultan Abdullah bertitah institusi itu bukan sekadar simbol atau pun lambang semata-mata.

"Ia asas perpaduan, penyatuan bangsa dan pencetus semangat patriotisme kebangsaan. Ia merupakan satu roh yang jika diwarisi dan

dihayati setiap anak watan, boleh menerbitkan rasa cinta dan kesetiaan kepada negara," titah Seri Paduka.

Menyedari hakikat itu, Seri Paduka berikrar berusaha dengan sedaya mungkin mewujudkan perpaduan dan sikap toleransi di antara semua kaum, bangsa dan agama.

"Beta akan mengutamakan rakyat, menghormati yang tua dan memuliakan yang muda. Semua ini akan beta zahirkan dengan penuh rasa tawaduk. Sesungguhnya, ular yang menyusur akar tidak sekali-kali akan

hilang bisa-nya," titah Seri Paduka yang menyambut baik usaha kerajaan mengukuhkan perpaduan melalui penubuhan Majlis Perundingan Keharmonian Rakyat.

Menyingkap tarikh keramat 10 Julai 1980 iaitu ketika Almarhum Paduka Ayahanda Sultan Ahmad Shah Al-Musta'in Billah ditabal sebagai Yang di-Pertuan Agong ketujuh, Al-Sultan Abdullah bertitah ditakdirkan Allah SWT bahawa baginda pula ditabalkan semalam di atas singgahsana dan mahkota sama digunakan

Almarhum Paduka Ayahanda, 39 tahun lalu.

Al-Sultan Abdullah turut mengenang jasa Almarhum Sultan Ahmad Shah yang disifatkan sebagai tegas namun terbuka dalam melontar mu-tiara pandangan.

"Hubungan baginda dengan rakyat begitu akrab yang jelas melambangkan jiwa baginda yang sentiasa memberi keutamaan kepada rakyat," titah Seri Paduka, yang turut meminta hadirin memanjatkan doa kepada Allah SWT agar roh Almarhum Paduka Ayahanda ditempatkan ber-

sama para solihin.

Al-Sultan Abdullah turut menarik perhatian pemerintahan baginda kali ini 'seperti bagai berjanji' kerana Tun Dr Mahathir Mohamad kini merupakan Perdana Menteri ketujuh yang juga perdana menteri keempat ketika pemerintahan Almarhum Sultan Ahmad Shah.

"Maka benarlah bagai dikata 'negarawan ulung tidak lapuk ditelan zaman dan tidak usang dimamah usia'," titah Seri Paduka.

Justeru, Al-Sultan Abdullah berharap kerjasama erat

# 'Beta akan utamakan rakyat'



dan persegan yang pernah terjalin antara Almarhum dan Perdana Menteri dapat diteruskan semasa pemerintahan Seri Paduka demi kesejahteraan negara dan rakyat tercinta.

Al-Sultan Abdullah turut menzahirkan keyakinan kerajaan Pakatan Harapan pimpinan Dr Mahathir yang berpengalaman luas lagi bestari dapat mengharungi apa juga rintangan mendatang dan seterusnya membawa negara ke mercu kejayaan.

Yang di-Pertuan Agong juga mengalu-alukan usaha kerajaan dalam menyusun semula rancangan pembangunan dan mengukuh fiskal negara, selain usaha meningkatkan tadbir urus dan integriti, memerangi rasuah serta mempertahankan ke-luhuran undang-undang.

"Beta ingin mengucapkan tahniah kepada kerajaan yang berpandangan jauh dalam merencana gagasan ekonomi baru dinamakan Wawasan Kemakmuran Bersama 2030.

"Beta berharap usaha membasmi kemiskinan turut diberikan keutamaan. Kitaran warisan kemiskinan wajar ditangani segera," titah Seri Paduka.

Pada Istiadat Pertabalan dihadiri Raja-raja Melayu dan tetamu diraja luar negara, Al-Sultan Abdullah menzahirkan ucapan menjunjung kasih di atas keberangkatan Sultan Brunei Sultan Hassanal Bolkiah dan Raja Isteri Pengiran Anak Hajah Saleha pada istiadat pertabalan itu yang disifatkan baginda sebagai manifestasi keakraban ikatan persaudaraan antara Malaysia dan Brunei.

# 'Patik akan pastikan jentera kerajaan tidak berpeluk tubuh'



AL-SULTAN Abdullah beramah mesra dengan Dr Mahathir.

**Kuala Lumpur:** Kemakmuran bersama rakyat menjadi teras komitmen kerajaan diterajui parti Pakatan Harapan dalam merencana program dan dasar merealisasikan Malaysia sebagai negara maju, bermaruah dan merdeka.

Perdana Menteri Tun Dr Mahathir Mohamad berkata, walaupun baharu memegang tampuk pemerintahan setahun, kerajaan menunjukkan komitmen tinggi dan berhasil dalam banyak perkara mengambil kira kedudukan kewangan negara yang diwarisi sebelumnya.

"Dalam hal ini, Patik akan terus memastikan jentera Kerajaan Tuanku tidak berpeluk tubuh dan berpuas hati dengan pencapaian yang dicapai setakat ini.

"Usaha akan terus dilipat ganda untuk mengembalikan Malaysia menjadi antara paksi ekonomi penting di

Asia," katanya semasa menyampaikan ucapan tahniah dan taat setia atas pertabalan Al-Sultan Abdullah sebagai Yang di-Pertuan Agong ke-16 di Istana Negara hari ini.

Dr Mahathir yang mewakili seluruh rakyat negara, turut menzahirkan ucapan tahniah kepada Tunku Hajah Azizah Aminah Maimunah Iskandariah sebagai Raja Permaisuri Agong.

Dr Mahathir turut merakamkan junjungan kasih kepada Sultan Kelantan Sultan Muhammad V, sepanjang pemerintahan baginda sebagai Yang di-Pertuan Agong ke-15 sehingga 6 Januari lepas.

Dalam ucapannya, Dr Mahathir memaklumkan pertumbuhan ekonomi negara masih berterusan dan inisiatif membina semula negara supaya lebih maju terus

giat dilaksanakan.

Katanya, walaupun dunia dilanda ketidaktentuan ekonomi namun usaha dilakukan kerajaan memberi keyakinan kepada rakyat bahawa negara mampu menghadapi cabaran tersebut, sekali gus meminimalkan kesan buruk yang mungkin dihadapi.

Perdana Menteri berkata, pembangunan negara tidak bermakna jika ada rakyat hidup dalam kesusahan dan terpinggir daripada limpahan pembangunan, justeru kerajaan akan terus berusaha dengan gigih untuk meningkatkan program kesejahteraan hidup rakyat.

"Ini termasuk usaha mengurangkan beban kenaikan kos sara hidup dengan meningkatkan kuasa beli dan menghapuskan jurang pendapatan antara kelas, kaum dan wilayah," katanya.

HARJAN METRO  
31/02/2019  
MKS 13



**RAJA** Muda Perlis, Tuanku Syed Faizuddin Putra Jamalullail bersama Raja Puan Muda Perlis, Tuanku Lailatul Shahreen Akashah Khalil.

**TENGKU** Mahkota Kelantan, Dr Tengku Muhammad Faiz Petra Sultan Ismail Petra bersama isteri, Cik Puan Sofie Louise Johansson.

**ANAKANDA** Yang di-Pertuan Agong, Tengku Puteri Jihan Azizah 'Athiyatullah (dua dari kiri).



**DARI** kiri, Sultan Perak, Sultan Nazrin Shah, Sultan Selangor, Sultan Sharafuddin Idris Shah dan Sultan Kedah, Al Aminul Karim Sultan Sallehuddin Ibni Almarhum Sultan Badlishah.

**SULTAN** Brunei, Sultan Hassanal Bolkiah bersama Paduka Seri Baginda Raja Isteri Pengiran Anak Hajah Saleha.



**PUTERA** Mahkota Abu Dhabi, Sheikh Mohamed Zayed Al Nahyan yang juga Timbalan Komander Tertinggi Anakatan Tentera Emiriah Arab Bersatu.



**SULTAN** Terengganu, Sultan Mizan Zainal Abidin bersama Sultanah Terengganu, Sultanah Nur Zahirah



**PEMANGKU** Raja Pahang, Tengku Hassanal Ibrahim Alam Shah Al-Sultan Abdullah (kanan) dan Tunku Temenggong Johor, Tunku Idris Iskandar

# Curi tumpuan tetamu

■ Busana disarung Tengku Puteri Jihan Azizah 'Athiyatullah mengingatkan kembali nostalgia semasa pertabalan nendanya 35 tahun dahulu

**Kuala Lumpur:** Busana warna putih gading yang disarung Tengku Puteri Jihan Azizah 'Athiyatullah pada Istiadat Pertabalan Yang di-Pertuan Agong ke-16 di Istana Negara semalam mencuri tumpuan tetamu, mengingatkan kembali nostalgia semasa pertabalan nendanya 35 tahun dahulu.

Penampilan puteri bongsu kepada Al-Sultan Abdullah Ri'ayatuddin Al-Mustafa Billah Shah dan Raja Permaisuri Agong Tunku Hajah Azizah Aminah Maimunah Iskandariah yang anggun bergaya mengenakan persalinan itu, turut menjadi tumpuan lensa kamera yang merakam detik hari bersejarah itu.

Persalinan yang diperbuat daripada satin Dutch bersulaman renda Perancis itu merupakan persalinan bon-

danya, Tunku Azizah ketika menyaksikan pertabalan ayahanda baginda Almarhum Sultan Iskandar sebagai Yang di-Pertuan Agong ke-lapan pada November 1984.

Ketika ditemui selepas selesai istiadat pertabalan semalam, Tengku Puteri Jihan, 17, berkata, beliau berasa bangga dan selepas mengenakan baju kurung milik bonda beliau yang mempunyai nostalgia tersendiri.

"Saya rasa bangga. Menurut bonda, kain (baju kurung) ini dibeli di London. Bonda pakai semasa berumur 23 tahun. Perlu besarkan sedikit saja di bahagian pinggang," katanya.

Pereka fesyen terkenal Datuk Rizalman Ibrahim yang berpengalaman selama 15 tahun sebagai 'tukang jahit' busana Tunku Azizah dan anakanda-anakanda baginda, diberi tanggungjawab mengubah suai saiz baju kurung Tunku Azizah itu untuk di-



**BUSANA** disarung Tengku Puteri Jihan Azizah 'Athiyatullah mencuri tumpuan tetamu.

sesuaikan dengan saiz pinggang Tengku Puteri Jihan.

Istiadat yang berlangsung dengan gilang-gemilang penuh tradisi Raja-raja Melayu

itu secara rasmi menandakan pemerintahan Sultan Abdullah sebagai Ketua Utama Negara untuk tempoh lima tahun. - Bernama

## Menteri Kabinet merafak sembah ucap tahniah

**Kuala Lumpur:** Menteri-menteri Kabinet merafak sembah ucapan tahniah kepada Yang di-Pertuan Agong Al-Sultan Abdullah Ri'ayatuddin Al-Mustafa Billah Shah yang ditabalkan sebagai Yang di-Pertuan Agong ke-16, semalam.

Mereka turut menzahirkan ucapan tahniah kepada Tunku Hajah Azizah Aminah Maimunah Iskandariah sebagai Raja Permaisuri Agong.

Menteri Komunikasi dan Multimedia Gobind Singh Deo berkata, titah Seri Paduka harus dihayati semua rakyat dalam usaha membina negara yang lebih harmoni.

"Merafak sembah setinggi-tinggi ucapan tahniah kepada Seri Paduka kerana selamat ditabalkan sebagai Yang di-Pertuan Agong ke-16, hari ini (semalam).

"Menjunjung titah baginda, kita semua (menteri dan rakyat) harus bersama menjaga perpaduan negara agar negara terus aman dan makmur," katanya ketika ditemui media selepas selesai Istiadat Pertabalan Yang di-Pertuan Agong ke-16 di Istana Negara di sini.

Menteri Kewangan Lim Guan Eng turut menzahirkan sembah tahniah kepada Seri Paduka sambil mengharapkan semua rakyat dapat bersama merealisasikan Wawasan Kemakmuran Bersama 2030.

"Titah Seri Paduka hari ini, amat bermakna dan kita harus pastikan Wawasan Kemakmuran Bersama 2030 itu dapat dicapai untuk masa

tah diraja pada istiadat itu menitahkan semua pihak supaya jangan sekali-kali mencetuskan api perselisihan dengan membangkitkan perkara yang boleh menggugat dan meruntuh keharmonian negara.

Seri Paduka menegaskan bahawa perpaduan dan keharmonian rakyat adalah tiang seri dan kekuatan negara.

Sementara itu, Menteri Hal Ehwal Ekonomi Datuk Seri Mohamed Azmin Ali berkata, kerajaan di bawah kepimpinan Perdana Menteri Tun Dr Mahathir Mohamad yang mendapat dukungan kuat rakyat Malaysia, berikrar dan bertekad untuk mempertahankan institusi raja-raja dalam negara ini.

"Hubungan baik ini pastinya dapat menjamin kestabilan dan keharmonian dalam negara kita," katanya.

Menyentuh mengenai titah ucapan Seri Paduka, beliau menyatakan rasa terharu apabila Sultan Abdullah menzahirkan sendiri penghargaannya kepada Dr Mahathir sebagai negarawan ulung yang dapat meneruskan tradisi kepimpinan dan menjaga hubungan baik antara institusi raja-raja, kerajaan serta rakyat.

Menteri Pertahanan Mohamad Sabu menyifatkan titah Sultan Abdullah yang menyentuh mengenai perpaduan sebagai satu nasihat dan peringatan buat rakyat Malaysia.

Katanya, pihak keselamatan negara akan sentiasa bekerja keras bagi memastikan sebarang unsur-unsur yang

# Pertabalan kukuhkan perpaduan rakyat

**Kuala Lumpur:** Pertabalan Al-Sultan Abdullah Ri'ayatuddin Al-Mustafa Billah Shah sebagai Yang di-Pertuan Agong ke-16 memperkukuhkan lagi perpaduan masyarakat majmuk, memelihara keharmonian dan memacu ekonomi negara ke arah lebih baik.

Keperibadian Sultan Abdullah dan Raja Permaisuri Agong Tunku Azizah Aminah Maimunah Iskandariah yang berjiwa rakyat juga meletakkan baginda sebagai Ketua Utama Negara yang terus disayangi rakyat.

Semalam, Malaysia menjadi tumpuan apabila berlangsungnya Istiadat Pertabalan Sultan Abdullah seba-



**NIK Suzlywati**

gai Yang di-Pertuan Agong ke-16 di Istana Negara di sini, sekali gus menjadi permulaan pemerintahan baginda bagi tempoh lima tahun.

Tinauan Harian Metro di



**IBRAHIM**

sekitar ibu negara mendapati orang ramai merangkumi pelbagai bangsa serta pelancong asing tidak melepaskan peluang menyaksikan acara bersejarah itu di televisyen

dan telefon pintar.

Bagi suri rumah, Nik Suzlywati Ali, 47, dia amat mengagumi keperibadian Sultan Abdullah dan Tunku Azizah yang sentiasa mendekati rakyat tanpa mengira waktu.

"Selain sentiasa membantu mereka yang dilanda bencana atau kesusahan, baginda berdua tidak pernah berasa kekok ketika menemui rakyat termasuk di lokasi awam biasa," katanya.

Sementara itu, peniaga, Ibrahim Awang, 49, berkata, Sultan Abdullah dilihat mewarisi sifat prihatin dan penyayang yang diwarisi daripada Almarhum Paduka Ayahanda Sultan Ahmad Shah Al-Musta'in Billah.

depan rakyat sekarang dan akan datang," katanya.

Sultan Abdullah dalam ti-

boleh menimbulkan kecauan tidak berlaku di dalam negara. - Bernama



**GOBIND** berswafoto bersama isterinya, Sangeeta Kaur Sidhu pada Istiadat Pertabalan Yang di-Pertuan Agong ke-16 di Istana Negara, semalam.